



宋文文山先生全集

宋廬陵

文天祥文山先生著

明武林後學鍾越果度父評閱

兄 鍾天均小天父 參閱

鍾天墀雲桓父

友丁 鴻驚馬生父 較

指南後錄卷之一上

過零丁洋

辛苦遭逢起一經。干戈落落四周星。山河破碎風拋絮。身世飄搖雨打萍。皇恐灘頭說皇恐。零丁洋裏歎零丁。

屈大夫之憂愁賈太傅之悲憤

人生自古誰無死。留取丹心照汗青。

上巳日張元帥令李元帥過船請作書招諭張少保。投拜遂與之言。我自救。父母不得乃教人背父母。可乎。書此詩遺之。李不能強。持詩以達張。但稱好人好詩。竟不能逼。

元夕

南海觀元夕。茲遊古未曾。人間大競渡。水上小燒燈。世事爭強弱。人情尚廢興。孤臣腔血滿。死不愧廬陵。

懷趙清逸

匡海真何地。驅來坐戰場。家人半分合。國事決存亡。一死不足道。百憂何可當。故人髯似戟。起舞爲君傷。

二月六日海上大戰。國事不濟。孤臣天祥坐北舟中。向南慟哭。爲之詩曰。

長平一坑四十萬。秦人歡欣趙人怨。大風揚沙水不流。爲楚者樂爲漢。愁兵家勝負常不一。紛紛干戈何時畢。必有天吏將明威。不嗜殺人能一之。我生之初尚無疚。我生之後遭陽九。厥角稽首併二州。正氣掃地山河羞。身爲大臣義當死。城下師盟愧牛耳。間關歸國洗日光。白麻重宣不敢當。出師三年勞且苦。只尺長安不得覩。非無虓虎士如林。一日不或爲人擒。樓船千艘下天角。

兩雄相遭爭奮搏。古來何代無戰爭。未有鋒銳交滄溟。
遊兵日來復日往。相持一月爲鷓蚌。南人志欲扶崑崙。
北人氣欲黃河吞。一朝天昏風雨惡。炮火雷飛箭星落。
誰雌誰雄頃刻分。流屍漂血洋水渾。昨朝南船滿匡海。
今朝只有北船在。昨夜兩邊桴鼓鳴。今朝船船鼾睡聲。
北兵去家八千里。椎牛醢酒人人喜。惟有孤臣雨淚垂。
冥冥不敢向人啼。六龍杳靄知何處。大海茫茫隔烟霧。
我欲借劔斬佞臣。黃金橫帶爲何人。

又六噫

颶風起兮海水飛。噫文武盡兮火德微。噫鷹鷂相擊兮
靡所施。噫鴻鵠欲舉兮將安歸。噫權歌中流兮任所之。
噫獨抱春秋兮莫我知。噫

言志

九垓化爲魅。億醜俘爲虜。旣不能變姓名卒於吳。又不
能髡鉗奴於魯。遠引不如四皓翁。高蹈不如仲連父。冥
鴻墮矰繳。長鯨陷網罟。鷄燕上下爭。誰何螻蟻等。閑相
爾汝。狼藉山河歲。云杪飄零海角春。重暮百年落落生
涯盡。萬里遙遙行役苦。我生不辰逢百罹。求仁得仁尚
何語。一歎鴻毛或泰山之輕之重。安所處。婦女低頭守
巾幗。男兒嚼齒吞刀鋸。殺身慷慨猶易免。取義從容未

壁立萬仞
可仰不可
卽

輕許仁人志士所植立橫絕地維屹天柱以身徇道不
苟生道在光明照千古素王不作春秋廢獸蹄鳥跡交
中土閨位適在三七間禮樂終當屬真主李陵衛律罪
通天遺臭至今使人吐種瓜東門不可得暴骨匈奴固
其所平生讀書為誰事臨難何憂復何懼已矣夫易簣
不必如曾參結纓猶當效子路

讀書深養
氣定方有
此品節

南海

真堪碎心
竭來南海上人死亂如麻腥浪拍心碎颼風吹鬢華一
山還一水無國又無家男子千年志吾生未有涯

有感

海濶龍深蟄山空鳥雜鳴花隨春共去雲與水俱行壯
士千年志征夫萬里程夜涼看星斗何處是攬槍

張元帥謂予國已亡矣殺身以忠誰復書之予謂
商非不亡夷齊自不食周粟人臣自盡其心豈論
書與不書張為改容因成一詩

高人名若浼烈士死如歸智滅猶吞炭商亡正採薇豈
因微後福其肯蹈危機萬古春秋義悠悠雙淚揮

登樓

茫茫地老與天荒如此男兒鐵石腸七十日來浮海道
三千里外望江鄉高鴻尚覺心期濶蹇馬何堪跡跡長

老禪衲說
法

北行近千里。迷復忘西東。行行至南華。忽忽如夢中。佛
化知幾塵。患乃與我同。有形終歸滅。不滅惟真空。笑看
曹溪水。門前坐松風。六祖禪師真身。蓋數百年矣。為亂
兵劫其心肝。乃知有患難。佛不免
况人乎。

安南軍

梅花南北路。風雨濕征衣。出嶺誰同出。歸鄉如不歸。山
河千古在。城郭一時非。饑死真吾志。夢中行採薇。

黃金市

閉蓬絕粒始南州。我過青山欲首丘。巡遠應無兒女態。
夷齊肯作稻梁謀。人間早見黃金市。天上猶遲白玉樓。
先子神遊今二紀。夢中揮淚濺松楸。

萬安縣

青山曲折水天平。不是南征是北征。舉世更無巡遠死。
當年誰道甫申生。遙知嶺外相思處。不見灘頭皇恐聲。
傳語故園猿鶴好。夢回江路月風清。

泰和

書生曾擁碧油幢。耻與群兒共豎降。漢節幾回登快閣。
楚囚今度過澄江。丹心不改君臣誼。清淚誰忘父母邦。
惟有鄉人知我瘦。下帷絕粒坐蓬牕。

蒼然亭

風打船頭繫夕陽。亭前老子舊胡床。青牛過去關山動。
白鶴歸來城郭荒。忠節風流落塵土。英雄遺恨滿滄浪。
故園水月應無恙。江上新松幾許長。

別里中諸友

青山重回首。風雨暗啼猿。楊柳溪頭釣。梅花石上尊。故
人無復見。烈士尚誰言。長有歸來夢。衣冠滿故園。

發吉州

巳卯六月初一日。蒼然亭下楚囚立。山河顛倒紛雨泣。
巳亥七夕此何夕。煌煌斗牛劍光濕。戈鋌彗雲雷電擊。
三百餘年火爲德。須臾風雨天地黑。皇綱解紐地維折。
妾婦偷生自爲賊。英雄扼腕怒鬚赤。貫日血忠死窮北。
首陽風流落南國。正氣未亡人未息。青原萬丈光赫赫。
大江東去日夜白。

臨江軍

江岸今多嚙。城居昔屢焚。市人半僮父。豎子亦將軍。蛟
哭金洲雨。猿啼玉觀雲。周郎墳土上。回首淚成痕。

予始至南安。卽絕粒爲告祖禰文。別諸友詩。遣孫禮
取黃金市。登岸馳歸。約六月二日復命於古城下。予
以心事白諸幽明。卽瞑目。長往含笑入地矣。乃水盛
風駛。前一日達廬陵。孫禮期不至。予且行恐死以待。

精忠激烈
悲千古只

心天聞也
怒啼

人生天地間授命各有權
志義士

垂至豐城。忽有見孫禮於他舟。乃悟竟不曾往。爲之
痛哭流涕。暮始見至者。取孫禮還舟。明早遂送之。豐
城縣縱其自便。追之不可及矣。予至是不食已八日。
若無事然。私念死廬陵不失爲首丘。今使命不達。委
身荒江。誰知之者。蓋少須臾以就義乎。復飲食如初。
昔讀左傳申包胥哭秦庭七日。勺飲不入口。亦不聞
有它。乃知饑踣西山。非一朝之積也。予嘗服腦子二
兩。不死。絕食八日。又不死。竟不曉其何如。從者七人。
或逃。或死。或逐。今僅存一人。曰劉榮。楚囚之况宜哉。

隆興府

半生幾度此登臨。流落而今雪滿簪。南浦不知春已晚。
西山但覺日初陰。誰憐龜鶴千年語。空負鵬鷗萬里心。
無限故人簾雨外。夜深如有廣陵音。

湖口

江湖一都會。宇宙幾興亡。走馬蘆林外。買魚茅舍傍。南
人撐快槳。北客坐危檣。江水交岷水。東流日夜長。

安慶府

風雨宣城路。重來白髮新。長江還有險。中國自無人。梟
獍蕃遺育。鱣鯨蟄怒鱗。泊船休上岸。不忍見遺民。

池州

五老湖光遠。九華山色昏。南冠前進士。北部故將軍。芳草江頭路。斜陽谷外村。匆匆十年夢。故國黯銷魂。

魯港

方誇金塢築。豈料玉床搖。國體真三代。江流舊六朝。鞭投能幾日。瓦解不崇朝。千古燕山恨。西風捲怒潮。

采石

不上峩眉二十歲。重來為墮山河淚。今人不見虞允文。古人曾有樊若水。長江濶處平如驛。况此介然衣帶窄。欲從摘仙捉月去。安得然犀照神物。

虎攫筆端

建康

江流那有變更以忠憤之目視之固不同耳

金陵古會府。南渡舊陪京。山勢猶盤礴。江流已變更。徒兒徙幽土。新鬼哭臺城。一片清溪月。偏於客有情。

金陵驛

一字一淚 一淚一珠

草合離宮轉夕暉。孤雲飄泊復何依。山河風景元無異。城郭人民半已非。滿地蘆花和我老。舊家燕子傍誰飛。從今別却江南日。化作啼鶯帶血歸。

此是真風月一味耽光景者知否

萬里金甌失壯圖。衣顛倒落泥途。空流杜宇聲中血。半脫驪龍頷下鬚。老去秋風吹我惡。夢回寒月照人孤。千年成敗俱塵土。消得人間說丈夫。

懷忠襄

平生王佐心。世運蹈衰末。齊虜誰復封。楚囚詎當脫。金陵雖懷古。尚友在風烈。褒忠侈遺廟。夫子我先達。

早秋

隻影飄零天一涯。千秋搖落欲何之。朝看帶緩方憊瘦。夜怯衾單始覺衰。眼裏游從驚死別。夢中兒女慰生離。六朝無限江山在。搔首斜陽獨立時。

說在之恨深於感

睡起

堂堂孤影起。聞雞風起。高樓鼓角悲。江海無情遊子倦。歲年如夢美人遲。平生管鮑成何事。千古夷齊在一時。坐久日斜庭木落。浮雲滅沒漏朝曦。

悲壯聲容透出紙上

中秋

不教收骨瘴。江邊驅向胡沙着。去鞭舊奪宮袍空。獨步新食官飯飽。孤眠客程恰與秋天半。人影何如月陪圓。猶是江南佳麗地。徘徊把酒看蒼天。

南康軍和東坡酬江月

廬山依舊淒涼處。無限江南風物空。翠晴嵐浮汗漫。還障天東半壁。鴈過孤峯。猿歸老嶂。風急波翻。雪乾坤未歇。地靈尚有人傑。堪嗟飄泊孤舟。河傾斗落。客夢催明發。南浦間雲連草樹。回首旌旗明滅。三十年來。十年一過。空有星星髮。夜深愁聽胡笳吹徹。寒月。

萬曆卅先忠惠既爭建儲批鱗幾不免相知詢後事荅詩云五鳳樓前堪洒血莫收吾骨葬江邊千古一揆讀之零涕

孔明不能
一統文山
不能滅虜
故應同恨

和中齋韻

過吉作

功業飄零五丈原。如今局促傍誰轅。俛首北去明妃淚。
啼血南飛望帝魂。骨肉凋殘唯我在。形容變盡只聲存。
江流千古英雄恨。蘭作行舟柳作樊。

再和

見說黃沙接五原。飄零隻影向南轅。江山有恨銷人骨。
風雨無情斷客魂。淚似空花千點落。鬢如碩果數根存。
肉飛不起真堪歎。江水為籠海作樊。

和友人

落落南冠過故都。近來我意亦忘吾。騎來驛馬身如寄。
遺去家書字亦無。景伯未囚先立後。嵇康縱死不為孤。
江南只有歸來夢。休問田園蕪不蕪。

千古名即
原非求田
問舍人所
知

驛中言別諸友

步東坡醉江月韻

水天空闊恨東風。不惜世間英物蜀。鳥吳花殘照裏。忍
見荒城頽壁。銅雀春情。金人秋淚。此恨憑誰雪。堂堂劍
氣斗牛空。認奇傑。那信江海餘生。南行萬里。屬扁舟齊
發。正為鷗盟。留醉眼。細看濤生。雲滅。睨柱吞羸。回旗走
懿。千古衝冠髮。伴人無寐。秦淮應是。孤月。

文山在馬
市之武出

和

乾坤能大。筭蛟龍元不是。池中物。風雨牢愁。無着處。那

詞氣滯澁
恍如黃河

之水天上
來

更寒。垂四壁。橫梁題詩。登樓作賦。萬事空中雪。江流如
此。方來。還有英傑。堪笑一葉飄零。重來淮水。正涼風新
發。鏡裏朱顏。都變盡。只有丹心難滅。去去龍沙。向江山
回首。青山如髮。故人應念。杜鵑枝上殘月。

懷中甫

時中甫以病留
金陵天慶觀

久要何落落。末路重依依。風雨連兵幕。泥塗滿客衣。人
間龍虎變。天外燕鴻違。死矣煩公傳。北方人是非。

行宮

中齋日

十里宮墻一聚塵。天津晚過客愁新。花啼杜宇歸來血。
樹掛蒼龍脫去鱗。福德儻存終有晉。秣陵未改已無秦。

神句可泣鬼
上人甫亦公心
屬之則中

秋風禾黍空。南北見說銅駝會笑人。

第三四語
用古入化

怪底秦淮一水長。幾多客淚洒斜陽。江流本是限南北。
地氣何曾減帝王。臺沼漸荒基歷落。鶯花猶在意淒涼。
青天畢竟有情否。舊月東來失女墻。

恐天公聞
之亦欲下
淚

廣齋謂柳和王昭儀滿江紅韻惜未之見為賦一

闕中齋作

王母仙桃親曾醉。九重春色誰信道。鹿脚花去。浪翻鰲
闕。眉鎖嬌娥。山宛轉。髻梳墮。馬雲欹。側恨風沙吹透。漢
宮衣。餘香歇。霓裳散。庭花滅。斜陽燕。應難說。想春深
銅雀。夢殘啼血。空有琵琶傳出塞。更無環佩鳴歸月。又

銅雀啼血
慘於杜鵑

爭知有客夜悲歌。壺敲缺。

題語具無恨烟波

和王夫人滿江紅韻以庶幾后山妾薄命之意

燕子樓中又捱過幾番秋色。相思處。青年如夢。乘鸞仙
闕。肌玉暗消。衣帶緩。淚珠斜透。花鈿側。最無端。蕉影上
牕紗。青燈歇。○曲池合。高臺滅。人間事。何堪說。向南陽
阡上。滿襟清血。世態便如翻覆雨。妾身元是分明月。笑
樂昌一段好風光。菱花缺。

今新官舊官無立足處

代王夫人作

試問琵琶胡沙外。怎生風色。最苦是姚黃一朵。移根仙
闕。玉母權闌。瑤宴罷。仙人淚滿金盤側。聽行宮半夜雨。

夫人生離比淋鈴死別更慘

淋鈴聲聲歇。○彩雲散。香塵滅。銅駝恨。那堪說。想男女
慷慨。啣穿齧血。回首昭陽離落日。傷心銅雀迎新月。等
妾身不願似天家金甌缺。

王夫人詞附

此至元十三年丙子正月十八事也。昭儀名清蕙。字冲華。後為女道士。其時宮人死節者有安定夫人陳氏。安康夫人朱氏。皆縊死。安康夫人遺四言一篇于衣帶中。一時節烈若青風。娘娘王氏。賈瓊妻。韓氏希孟。有五言長句。徐君寶妻某氏。有滿廷芳詞。云詳見陶南村輟耕錄。

太液芙蓉全不是舊時顏色。嘗記得恩承雨露。玉階

金闕。名播蘭簪妃后裏。暈潮蓮臉。君王側。忽一朝顰

鼓揭天來。繁華歇。○龍虎散。風雲滅。今古恨。憑誰說。

王夫人至燕題驛中云云中原傳誦

公讀夫人
末二語心
非之故爲
作前詞

顧山河百二。淚流襟血。驛館夜驚塵。土夢宮車曉轉。
關山月若嫦娥。於我肯相容。從圓缺。

浪淘沙 中齋

疎雨洗天晴。枕簟涼生。井梧一葉做秋聲。誰念客身輕。
似葉千里飄零。○夢斷古臺城。月淡潮平。便攜酒訪新
亭。不見當時王謝宅。烟艸青青。

東海集序

東海序者。友人客海南以來詩也。海南詩而曰東海集者。何魯仲連。天下士友人之志也。友人自爲舉子時。已大肄力於詩。於諸大家皆嘗登其門而涉其流。其本贍其養銳。故所詣特深到。余嘗評其詩。渾涵有英氣。鍛鍊如自然。美則美矣。猶未免有意於爲詩也。自喪亂後。友人挈其家避地。遊官嶺海。而全家燬於盜。孤窮流落。困頓萬狀。然後崖山除禮部侍郎中。且權直學士矣。會南風不競。御舟漂散。友人倉卒蹈海者再。爲北軍所鈎致。遂不獲死。以至於今。凡十數年間。可驚可愕。可悲可憤。可痛可悶之事。友人備嘗無所不至。其慘戚感慨之氣。結而不信。皆於詩乎發之。蓋至是動乎情性。自不能不詩。杜子美夔州。柳子厚柳州。以後文字也。余與友人年相若。又同里閭。以斯文相好。然平生落落不相及。及居

觀此則當
時舉子已
少能詩者

下語極有
稱量

公之詩亦
云然

巖甚

楚囚中而友人在行。同患難者數月。其自五羊至金陵。所賦皆予目擊。或相唱和。時余坐金陵驛。無所作爲。乃取友人諸詩。筆之於書。與相關者。并附爲後之覽者。因詩以見吾二人之志。其必有感慨於斯已卯七月壬申。文天祥敘。

送行中齋三首

知寒着客未說妙

秋風晚正烈。客衣早知寒。把衣不能別。更盡此日歡。出門一萬里。風沙浩漫漫。豈無兒女情。爲君思汎瀾。百年有時盡。千載無餘觀。明明君臣義。公獨爲其難。願持丹一寸。寫入青琅玕。會有無卷人。孤燈起長嘆。

四語可作公像贊

神龍蕩失水。馴擾終未得。威鳳雖在藪。肯顧雞鶩食。所以古之人。受變心不易。毫鼎已遷周。西山竟饑瘠。豫子身自漆。長弘血成碧。何嘗怨廢興。而或二心跡。堅白不在緇。羔裘良自惜。此誼公素明。俗見或未識。

俗子與逆賊同不知有君子所以士俗不可匡

嗟予抱區區。疇昔同里閭。過從三十年。知心不知面。零落忽重逢。家亡市朝變。惛惛蹈海餘。踽踽南冠殿。劇談泥塗際。握手鞍馬倦。依依斯文意。苦恨十年晚。魯仲偶不逢。隨世本非願。靈胥目未抉。端欲詣所見。及茲萬里別。一夕腸百轉。余生諒須臾。孤感橫九縣。庶幾太尉事。萬一中丞傳。

孤感句可與太白五岳起方寸同觀

侍郎公弟也然已為侍郎
弟矣二字長于秋野法
真悌弟

此冊為指南後錄第一卷下第二卷起八月二十四
日發建康終歲除有感尚有零丁洋諸詩及後錄本
在惠州合隸為一卷而所恨者指南前錄敘號存而
詩已不完侍郎弟姑據所存本使不泯於世一聯半
句使天下見之識其為人即吾死無憾矣况篇帙之
多乎歲在庚辰正月二十日文山履善甫書
指南後錄卷之二

予後錄詩以廣州至金陵為第一卷今入淮以後
為第二卷云

發建康 八月二十四日

賞心亭下路拍手唱吾歌樓外梁時塔城中秦氏河江
山如夢耳天地奈愁何回首清溪曲長江一鴈過

第五六句
赤牘語耳
能以入詩
只是心手
敏妙

江行有感 二十
五日

蒲萄肥汗馬荆棘冷銅駝巫峽朝雲濕洞庭秋水波窮
愁空突兀暗淚自滂沱莫恨吾生悞江東才俊多

真州驛 二十
七日

山川如識我故舊更無人俯仰干戈跡往來車馬塵英
雄遺筭晚天地暗愁新北首燕山路凄凉夜向晨

山川悲故
天地無情
無限忠憤

望揚州

阮籍臨廣武杜甫登吹臺高情發慷慨前人後人哀江

呼月訴之
當令嫦娥
掩泣

左。邁。陽。運。銅。駝。化。飛。灰。二。十。四。橋。月。楚。囚。今。日。來。

維楊驛

三。年。別。淮。水。一。夕。宿。揚。州。南。極。山。川。古。北。風。江。海。秋。昭。
君。愁。出。塞。王。粲。怕。琴。樓。千。載。英。雄。淚。如。今。况。楚。囚。

過邵伯鎮二十
八日

自。在。有。致。今。朝。車。馬。地。昔。日。戰。爭。場。我。有。揚。州。鶴。誰。存。邵。伯。棠。一。

灣。流。水。小。數。畝。故。城。荒。回。首。江。南。路。青。山。斷。夕。陽。

高郵懷舊二十
九日

借。問。曾。遊。處。高。沙。第。幾。山。潛。行。鷹。攫。道。直。上。虎。當。關。一。

命。虛。空。裏。三。年。瞬。息。間。自。憐。今。死。晚。何。復。望。生。還。

誦末聯可
知無貴冠
故鄉之語

發高郵三十
日

慘淡之景
歷歷如畫

初。出。高。沙。門。輕。舫。遶。城。樓。一。水。何。曲。折。百。年。此。綢。繆。北。

望。渺。無。際。飛。鳥。翔。平。疇。寒。蕪。入。荒。落。日。薄。行。人。愁。行。行。

行。湖。曲。萬。頃。涵。清。秋。大。風。吹。檣。倒。如。盪。彭。蠡。舟。欲。寄。故。

鄉。淚。便。入。長。江。流。篙。人。為。我。言。此。水。通。淮。頭。前。與。黃。河。

合。同。作。滄。海。漚。踟。躕。忽。失。意。拭。淚。淚。不。收。吳。會。日。已。遠。
回。首。重。悠。悠。馳。驅。梁。趙。郊。壯。士。何。離。憂。吾。道。久。矣。東。陸。
沉。古。神。州。我。今。戴。南。冠。何。異。有。北。投。不。能。裂。肝。腦。直。氣。
摩。斗。牛。但。願。光。岳。合。休。明。復。商。周。不。使。殊。方。魄。終。為。異。
物。羞。

公所輕者
肝腦而云
不能裂益
非人能挫
裂也

寶應道中

天濶搏南鴈。淮途長北驅。甘棠成傳舍。細柳作康衢。田
海隨時變。山河往日殊。征袍共衮繡。夜壁一燈孤。

淮安軍

九月一日

楚州城門外。白楊吹悲風。纍纍死人塚。死向鋒鏑中。豈
無匹婦冤。定無萬夫雄。中原在其北。登城望何窮。

過淮河宿闕石有感

始覺二字無限悲愁

北征垂半年。依依只南土。今晨渡淮河。始覺非故宇。江
鄉已無家。三年一羈旅。龍翔在何方。乃我妻子所。昔也
無奈何。忽已置念慮。今行日已近。使我淚如雨。我為綱
常謀有身。不得顧妻。今莫望夫子。今莫望父。天長與地
久。此恨極千古。來生業緣在骨肉。當如故。

發淮安

九月二日

九月初二日。車馬發淮安。行行重行行。天地何不寬。烟
火無一家。荒草青漫漫。恍如泛滄海。身坐玻璃盤。時時
逢北人。什伍扶征鞍。云我戍江南。當軍身屬官。北人適
吳楚。所憂地少寒。江南有遊子。風雪上燕山。

小清口

初三日

乍見驚胡婦。相嗟遇楚兵。北來鴻鴈密。南去駱駝輕。芳
艸中原路。斜陽故國情。明朝五十里。錯做武陵行。

腸為公裂淚為公竭天維地紐賴公不拆橫眼皆牢愁天地俱窄狹

桃源道中

初四日

漠漠地千里。垂垂天四圍。隔溪胡騎過。傍草野雞飛。風路吹青笠。塵沙薄素衣。吾家白雲下。都伴北人歸。

桃源縣

感慨係之清野百年久。中原千里賒。火烟新聚落。山水舊生涯。種麥十數畝。誅茅千百家。我來行正倦。何處覓桃花。

崔鎮驛

萬里中原役。北風天正涼。黃沙漫道路。蒼耳滿衣裳。野濶人聲小。日斜駒影長。解鞍身似夢。遊子意茫茫。

發崔鎮

初五日

高鴈空秋興。寒蛩破曉眠。淡烟白似海。野水碧於天。興廢嗟何及。行藏信自然。南人乍騎馬。北客半乘船。

發宿遷縣

夜夢入星槎。曉行隨斗柄。衣暖露自乾。鬢寒冰欲凝。將軍戴鐵笠。壯士敲金鐙。白眼睨青天。我生不有命。

中原

中原方萬里。明日是重陽。桑棗人家近。蓬蒿客路長。引弓虛射鴈。失馬為尋羊。見說今年旱。青青麥又秧。

望邳州

初六日

中原行幾日。今日纔見山。問山在何處。云在徐邳間。邳

勝國今復
何在

州山徐州水項籍不還韓信死龍爭虎鬪不肯止烟草
漫漫青萬里古來劉季號英雄樊崇至今已千歲

徐州道中

初七日

彭城古官道日中十馬馳咫尺不見人撲面黃塵飛向
來漢王縞素師美人燕罷項羽啼一時混戰四十萬天
昏地黑睢水滑乃知大風揚沙失白晝自是地利非天
時漢王倉卒問道西一兒一女嘻其危太公呂后去不
歸俎上寧有生還時未央稱壽太上皇巍然女媧帝中
闈終然富貴自有命造物顛倒真小兒

彭城行

徐州彭城縣

連山四圍合呂梁貫其中河南大都會故有項王宮晉
牧連楊豫虎視北方雄唐時燕子樓風流張建封西望
睢陽城只與汴水通太平黃樓賦尚能想遺風邇來百
餘年正朔歸江東遺民死欲盡莽然狐兔叢我從南方
來停驂撫遺蹤故河蓄潢潦荒城翳秋蓬淒涼戲馬臺
憔悴巨佛峯滄海變桑田陵谷代不同朝為朱門貴暮
作行旅窮乘除信物理感慨繫所逢古來賢達人一醉
萬慮空如此獨醒何悲風逐征鴻

燕子樓

自別張公子嬋娟不下樓遂令樓上燕百歲稱風流我

雖無丞相
權丞相之
心於茲可
痛

遊彭城門來吊楚王闕。問樓在何處。城東草如雪。蛾眉代不乏。埋沒安足論。因何張家妾。名與山川存。自古皆有死。忠義長不沒。但傳美人心。不說美人色。

戲馬臺

九月初九日。客遊戲馬臺。黃花弄朝露。古人花飛埃。今人哀後人。後人復今哀。世事那可及。淚落茱萸杯。

發彭城

今朝正重九。行人人意遲。遲回首戲馬臺。野花發歲蕤。艸埋范增塚。雲見樊噲旗。時節正如此。道路將何之。我愛陶淵明。甲子題新詩。白衣送酒來。把菊臥東籬。

沛歌

山東滕山沛縣初十日

秦世失其鹿。豐沛發龍顏。王侯與將相。不出徐濟間。當時數公起。四海王氣閑。至今尚想見。虹光照人寰。我來千載下。吊古淚如潛。白雲落荒草。隱隱芒碭山。黃河天下雄。南去不復還。乃知盈虛故。天道如循環。盧王舊封地。今日殺函關。

歌風臺

長陵有神氣。萬歲光如虹。有時風雪變。魂魄來沛宮。壯哉遊子鄉。一覽萬宇空。擊築戒復隍。帝業慎所終。重瞳愛梁父。此情豈不同。錦衣絢行晝。丈夫何淺中。緬懷首

可憐此目

丘意自足分雌雄尚惜霸心存慷慨懷勇功不見往來
事烹狗與藏弓早知致兩生禮樂三代隆匹夫事已往
安用責乃翁我來湯沐邑白楊吹悲風永言三侯章隱
隱聞兒童葉落皆歸根飄零獨秋蓬登臺共悽惻目送
南飛鴻

固陵道中三首

九天雲下垂一雨作秋色塵埃化泥塗原野轉蕭瑟十
里一雙埃狐兔臥荆棘見說數年來中州乍蘇息
茅舍荒涼舊固陵漢王城對楚王城徐州烟火連豐沛
天下還來屋角爭

固陵城下兩龍爭不見齊王來會兵勒取河山新分地
項王之後到韓彭

發魚臺十二

晨炊發魚臺碎雨飛擊面團團四野周冥冥萬象變疑
是江南山烟霧昏不見豈知此中原今古經百戰英雄
化為土飛霧洒郊甸天寒日欲短游子淚如霰

自歎

瑟瑟秋風悲烈烈寒氣驕蒲柳先已零松柏何後凋天
意重肅殺造物無不銷強弱有異稟憂患同一朝惟有
南山石千載一岩堯人苦不自足空羨王子喬

胡馬越鳥
悲哉

遠遊

黃河流活活。太行高巍巍。□□山以東。百□山以西。鄒
魯盛文獻。燕趙多雄姿。右摩泰山碑。左躡函谷泥。邴鄆
吊周公。曲阜拜宣尼。或登廣武歎。或上北邙悲。平生幾
兩屐。汗漫以爲期。絕交天下士。要爲男子奇。吳會徧王
業。中原隔遺黎。安得與黃鶴。比翼天上飛。江河異風景。
擊楫感且歎。陽運邁百六。興否俄推移。桑田變滄海。楚
囚發孔悲。我本檻車客。爲我解繫維。青蠅附天驥。萬里
相追隨。人生尚行樂。矧復新相知。周道思下泉。王風懷
黍離。富貴豈不願。憂患那自持。人命危且淺。忽若朝露
晞。長恐折我軸。中道欲差池。去我父母邦。我行且遲遲。
聽我遠遊曲。寄我長相思。

六歌

有妻有妻出糟糠。自少結髮不下堂。亂離中道逢虎狼。
鳳飛翩翩失其凰。將雛一二去何方。豈料國破家亦亾。
不忍舍君羅襦裳。天長地久終茫茫。牛女夜夜遙相望。
嗚呼一歌兮。歌正長。悲風北來起徬徨。

羅襦且不忍
卽思甘
堂意

酸鼻酸鼻

有妹有妹家流離。良人去後攜諸兒。北風吹沙塞草淒。
窮猿慘淡將安歸。去年哭母南海湄。三男一女同歔歔。
惟汝不在割我肌。汝家零落母不知。母知豈有瞑目時。

忠心一片
可揭日月

嗚呼再歌兮歌孔悲。鵲鴿在原我何為。

有女有女婉清揚。大者學帖臨鍾王。小者讀字聲琅琅。

朔風吹衣白日黃。一雙白璧委道旁。鴈兒啄啄秋無梁。

隨母北首誰人將。嗚呼三歌兮歌愈傷。非為兒女淚淋

浪。

有子有子風骨殊。釋氏抱送徐卿雛。四月八日摩尼珠。

榴花犀錢絡繡襦。蘭湯百沸香似酥。欲隨飛電飄泥塗。

汝兄十三騎鯨魚。汝今知在三歲無。嗚呼四歌兮歌以

吁。燈前老我明月孤。

有妾有妾今何如。大者手將玉蟾蜍。次者親抱汗血駒。

丞稚故自
風流

晨粧靚服臨西湖。英英鴈落飄瑤瑤。風花飛墜鳥嗚嗚。

金莖沆瀣浮汗渠。天摧地裂龍鳳俎。美人塵土何代無。

嗚呼五歌兮歌鬱紆。為爾遡風立斯須。

我生我生何不辰。孤根不識桃李春。天寒日短重愁人。

北風隨我鐵馬塵。初憐骨肉鍾奇禍。而今骨肉相憐我。

汝在北兮嬰我懷。我死誰當收我骸。人生百年何醜好。

黃梁得喪俱草草。嗚呼六歌兮勿復道。出門一笑天地

老。

發潭口

十三日

吹面北風來。拂鬢堅冰至。軒冕委道途。袞繡易氈毳。百

年雜醜好始酬四方志。浩歌激激浮雲亭。亭復攬轡義馭
幾曾停。誰當掃幽翳。

新濟州

借問新濟州。徐鄆兄弟國。昔爲大河南。今爲大河北。垂
雲陰萬里。平原望不極。百艸盡枯死。黃花自秋色。時時
見桑樹。青青雜阡陌。路上無人行。烟火渺蕭瑟。車轍分
縱橫。過者臨岐泣。積潦流交衢。霜蹄破叢棘。江南寒未
深。銅爐獸花赤。爲知行路人。鐵冷衣裳濕。

汶陽道中

東平路汶陽縣十四日

積雨不肯霽。行陸如涉川。青氈纒我後。白氈覆我前。我
欲正衣冠。兩手如糾纏。飛沫流被面。代我泣涕漣。鴻鴈
紛南翔。遊子北入燕。平楚渺四極。雪風迷遠天。昔聞濟
上軍。又說汶陽田。我今履其地。吊古愴蒼烟。男兒欲了
事。長虹射寒泉。

汶陽館

去歲營船澳。今朝館汶陽。海空沙漠漠。河廣草茫茫。家
國哀千古。男兒慨四方。老愧秋雨暗。孤影照淋浪。

自汶陽至鄆

十五日

渺渺中原道。勞生歎百非。風雨吹打人。泥濘飛上衣。日
力去天短。心事與時違。夫子昔相魯。侵疆自齊歸。

悽惻之景
恍然寓目

如此好句
憂深意亦
深

讀之不覺
愁自生耳
未聯令人
髮指

來平館

憔悴江南客。蕭條古鄆州。雨聲連五日。月色徹中流。萬里山河夢。千年宇宙愁。欲鞭劉豫骨。烟草暗荒丘。

發鄆州喜晴

烈風西北來。萬竅號高秋。宿雲蔽層空。浮潦迷中州。行人苦沮洳。道阻路且修。流澌被鞍鞜。飛沫綴衣裘。昏鴉接翅落。原野慘以愁。城郭何蕭條。閉戶寒颼颼。中宵月色滿。餘光散衾稠。余子戒明發。飛霧靄郊丘。微見扶桑紅。隱隱如沉浮。身遊大荒野。海氣吹蜃樓。須臾劃當空。六合開沉幽。千年厭顏色。蒼翠光欲流。太陽經天行。大化不暫留。輝光何曾滅。晡靄終當收。嚴霜下豐艸。長歌夜悠悠。明日東阿道。方軌驟驂騶。

發東阿 日十七

東原深處所。時或見人烟。秋雨桑麻地。春風桃李天。貪程頻問堠。快馬緩加鞭。多少飛檣過。噫吁是北船。

宿高唐州 博州

早發東阿縣。暮宿高唐州。哲人達幾微。志士懷隱憂。山河已歷歷。天地空悠悠。孤館一夜宿。北風吹白頭。

平原 日十八

平原太守顏真卿。長安天子不知名。一朝漁陽動鼙鼓。

天地悠悠
先生此心
想同之耳

我公志節
忠憤與所
建立事事
不愧

大河以北無堅城。公家兄弟奮戈起。一十七郡連夏盟。
賊聞失色分兵還。不敢長驅入咸京。明皇父子將西狩。
由是靈武起義兵。唐家再造李郭力。若論牽制公威靈。
哀哉常山慘鈎舌。心歸朝廷氣不懾。崎嶇坎坷不得志。
出入四朝老忠節。當年幸脫安祿山。白首竟陷李希烈。
希烈安能遽殺公。宰相盧杞欺日月。亂臣賊子歸何處。
茫茫烟草中原上。公死于今六百年。忠精赫赫雷行天。

發陵州

中原似滄海。萬頃與雲連。大明朝東出。皎月正在天。遠
樹亂如點。桑麻鬱蒼烟。一鴈入高空。千鴉落平田。我行
天地中。如蟻磨上砧。雨痕留故衣。霜氣襲重氈。健馬嘶
北風。潛魚樂深淵。噫哉南方人。回首空自憐。

獻州道中

三年戎服行。五嶺文王會。躋攀上崖磴。厲揭涉瀟瀨。十
步九崎嶇。山水何破碎。坐令管仲小。自覺伯夷隘。乃今
來中州。萬里如一槩。四望登原隰。桑麻蔚旆旆。驛驢出

絕妙警聯

何等思心

清廟過都真。歷塊歷歷古戰場。俯仰生感慨。吾常涉重
湖東海際。南海茲遊氣。平生天宇更宏大。心與太虛際。
目空九圍內。男兒不出居。婦人坐帷蓋。反身以自觀。須
彌納一芥。以此處死生。超然萬形內。

滹沱河二首

過了長江與大河。橫流數仞絕滹沱。蕭王麥飯曾倉卒。
回首中天感慨多。風沙睢水終亾楚。草木公山竟感秦。
始信滹沱兵合事。世間興廢不尤人。

河間

夜宿河間恰家則翁寓焉因成三絕

空有丹心貫碧霄。泮水亾國不崇朝。小臣萬死無遺慨。
曾見天家十八朝。

南歸鴈蕩報郎君。老子精神健十分。不爲瀛洲復相見。
阿戎翻隔萬山雲。

江南車蓋走燕山。老子旁觀袖手間。見說新詩題甲子。
桃源元只在人間。

保州道中

二日

昨日渡滹沱。今日望太行。白雲何渺渺。天地何茫茫。落
葉混西風。黃塵昏夕陽。牛車過不住。羶屋行相望。小兒
騎蹇驢。壯士駕乘黃。高低葉萬頃。黑白草千行。村落有
古風。人間無時粧。宋遼舊分界。燕趙古戰場。蚩尤亂涿
野。共工謫幽邦。郭隗致樂毅。荆軻攜舞陽。滅盧互反覆。
安史迭披猖。山川一今古。人物幾興亾。江南佔畢生。往

三與宏博

來習羊腸。天馬戴青蠅。電秣馳康莊。適從何有來。如此
醉夢鄉。感時意。踟躕惜。往淚淋浪。厲階起。玉環左。計繇
石郎。天地行。日月萬代乘。景光晝夜果。可廢春秋誠。荒
唐吾生直。須臾俯仰際。八荒來者不可見。遠遊賦彷徨。

保涿州三詩

趙太祖墓

在保州 二十九日起三十日到

我行保州塞。御河直其東。山川猶有靈。佳氣何鬱葱。顧
我巾車囚。厲氣轉秋蓬。辦香欲往拜。惆悵臨長空。

樓桑

故宅近涿縣三十里

我過梁門城。樓桑在其北。元德已千年。青烟遶故宅。道

傍為揮淚。徘徊秋風客。天下臥龍人。多少空抱膝。

涿鹿

我瞻涿鹿野。古來戰蚩尤。軒轅此立極。玉帛朝諸侯。歷
歷關河鴈。隨風鳴寒秋。邇來三千年。王氣行幽州。

過梁門

一一金甌在。雙雙鎮壁全。土花開舊國。風浪渡江船。南
北分新統。江淮號極邊。更和天塹失。回首慘啼鵲。

白溝河

昔時張叔夜。統兵赴勤王。東都一不守。羸馬遷龍荒。適
過白溝河。裂眦鬚欲張。絕粒不遘死。仰天扼其吭。群臣

天下誰是
隻眼

總奄奄。一土垂天光。讀史識其地。撫卷爲淒涼。我生何不辰。異世忽相望。皇圖遘陽九。天塹滿飛鯨。引兵詣闕下。捧土障瀾狂。出使義不屈。持節還中郎。六飛獨南海。金鉞將煌煌。武侯空威心。出狩驚四方。吾屬竟爲虜。世事吁彼蒼。思公有奇節。一死何慨慷。江淮我分地。我欲投滄浪。滄浪却不受。中原行路長。初登項藉宮。次覽劉季邦。涉足河與濟。回首嵩與恒。下車撫梁門。上馬指樓桑。戴星渡一水。慘淡天微茫。行人爲我言。宋遼此分疆。懸知公歿處。爲公出涕滂。恨不持束芻。徘徊官道旁。我歿還在燕。烈烈同肝腸。今我爲公哀。後來誰我傷。天地垂日月。斯人未云亾。文武道不墜。我輩終堂堂。

弔張公以
自吊慷慨
慷慨

懷孔明

斜谷事不濟。將星殞營中。至今出師表。讀之淚沾胸。漢賊明大義。赤心貫蒼穹。世以成敗論。操懿真英雄。

劉琨

中原蕩分崩。壯哉劉越石。連踪起幽并。隻手扶晉室。福華天意垂。匹磾生鬼域。公死百世名。天下分南北。

祖逖

平生祖豫州。白首起大事。東門長嘯兒。爲遜一頭地。何哉戴若思。中道奮螳臂。豪傑事垂成。今古爲短氣。

可涕

顏杲卿

公之心公之事

常山義旗奮。范陽哽喉咽。胡雛一狼狽。六飛入西川。哥舒降且拜。公舌膏戈鋌。人世誰不死。公死千萬年。

許遠

起師哭玄元。義氣震天地。百戰奮雄姿。鬪妾士揮淚。睢陽水東流。雙廟垂百世。當時令狐潮。乃為賊遊說。

過雪橋琉璃橋

小橋度雪度琉璃。更有清霜滑馬蹄。遊子衣裳如鐵冷。殘星荒店野雞啼。一作亂鳴雞

指南後錄卷之三

予指南後錄第一卷起正月十二日賦零丁洋第二卷起八月二十四日發建康。今第三卷蓋自庚辰元日為始。文山履善甫序。

五月二日生朝

北風吹滿楚冠塵。笑捧蟠桃夢裏春。幾歲已無籠鶴客。去年猶有送羊人。江山如許非吾土。宇宙奈何多此身。不滅不生。在何許。靜中聊且養吾真。

寫出衷曲 无廻

胡笳曲

庚辰中秋日。水雲慰予囚所。援琴作胡笳十八拍。取予疾徐指法。良可觀也。琴罷。索予賦胡笳詩。而倉卒

十八拍借
杜甫口寫
自家胸忠
表滿腔幽
憤過紙

中未能成就水雲別去。是歲十月復來。予因集老杜
句成拍與水雲共商畧之。蓋囹圄中不能得死聊自
遣耳亦不必一一學琰語也。水雲索予書之欲藏於
家。故書以遺之。浮休道人文山。
風塵傾洞昏。王室天地慘慘無顏色。而今西北自反胡。
西望千山萬山赤。歎息人間萬事非。被驅不異犬與雞。
不知明月為誰好。來歲如今歸未歸。

右一拍

獨立縹緲之飛樓。高視乾坤又可愁。江風蕭蕭雲拂地。
笛聲憤怒哀中流。鄰雞野哭如昨日。昨日。晚晴今日黑。
蒼黃已就長途往。欲往城南忘南北。

右二拍

三年奔走空皮骨。三年笛裏關山月。中天月色好誰看。
豺狼塞路人烟絕。寒刮肌膚北風利。牛馬毛零縮如蝟。
塞上風雲接地陰。咫尺但愁雷雨至。

右三拍

黃河北岸海西軍。翻身向天仰射雲。胡馬長鳴不知數。
衣冠南渡多崩奔。山木慘慘天欲雨。前有毒蛇後猛虎。
欲問長安無使來。終日戚戚忍羈旅。

右四拍

文全集 卷十四 詩 三十三

寫塊然獨
處恍馬在
目

北庭數有關中使。飄飄遠自流沙至。胡人高鼻動成群。
仍唱胡歌飲都市。中原無書歸不得。道路只今多擁隔。
身欲奮飛病在床。時獨看雲淚沾臆。

右五拍

胡人歸來血滿箭。白馬將軍若雷電。蠻夷雜種錯相干。
洛陽宮殿燒焚盡。干戈兵革鬪未已。魍魎魍魎徒爲爾。
慟哭秋原何處村。千村萬落生荆杞。

右六拍

憶昔十五心尚孩。莫恠頻頻勸酒杯。孤城此日腸堪斷。
如何不飲令人哀。一去紫臺連朔漠。月出雲通雪山白。

九度附書歸洛陽。故國三年一消息。

右七拍

只今年纔十六七。風塵荏苒音書絕。胡騎長驅五六年。
弊裘何啻連百結。愁對寒雲雪滿山。愁看冀北是長安。
此身未知歸定處。漂泊西南天地間。

右八拍

午夜漏聲催曉箭。寒盡春生洛陽殿。漢主山河錦繡中。
可惜春光不相見。自胡之反持干戈。一生抱恨空咨嗟。
我已無家尋弟妹。此身那得更無家。南極一星朝北斗。
每依南斗望京華。

文山全集 卷一 四

今年。鵬。月。凍。全。消。天。涯。涕。淚。一。身。遙。諸。將。亦。自。軍。中。至。
行。人。弓。箭。各。在。腰。白。馬。嚼。嚙。黃。金。勒。三。尺。角。弓。兩。斛。力。
胡。鴈。翅。濕。高。飛。難。一。箭。正。墜。雙。飛。翼。

右十拍

冬。至。陽。生。春。又。來。口。雖。吟。咏。心。中。哀。長。笛。誰。能。亂。愁。思。
呼。兒。且。覆。掌。中。杯。雲。白。山。青。萬。餘。里。壁。立。石。城。橫。塞。起。
元。戎。小。隊。出。郊。垌。天。寒。日。暮。山。谷。裏。

右十一拍

世間勞苦
獨萃公身

洛。陽。一。別。四。千。里。邊。庭。流。血。成。海。水。自。經。喪。亂。少。睡。眠。
手。腳。凍。皴。皮。肉。死。反。鎖。衡。門。守。環。堵。稚。子。無。憂。走。風。雨。
此。時。與。子。空。歸。來。喜。得。與。子。長。夜。語。

右十二拍

大。兒。九。齡。色。清。徹。驂。騶。作。駒。已。汗。血。小。兒。五。歲。氣。食。牛。
冰。壺。玉。鑑。懸。清。秋。罷。琴。惆。悵。月。照。席。人。生。有。情。淚。沾。臆。
離。別。不。堪。無。限。意。更。為。後。會。知。何。地。酒。肉。如。山。又。一。時。
只。今。未。絕。已。先。悲。

右十三拍

北。歸。秦。川。多。鼓。鞶。禾。生。隴。畝。無。東。西。三。步。回。頭。五。步。坐。
誰。家。搗。練。風。淒。淒。已。近。苦。寒。月。慘。慘。中。腸。悲。自。恐。二。男。

文山全集 卷一 四 詩

見不得相追隨。去留俱失意。徘徊感生離。十年蹴踘將
雛遠。目極傷神誰爲携。此別還須各努力。無使霜露沾
人衣。

右十四拍

寒雨颯颯枯樹濕。坐臥只多少。行立青春欲暮急。還鄉
非關使者徵求急。欲別上馬身無力。去任彼此無消息。
關塞消條。行路難行。路難行。澁如棘。男兒性命絕可憐。
十日不一見顏色。

右十五拍

乃知貧賤別更苦。况我飄轉無定所。心懷百憂復千慮。
世人那得知其故。嬌兒不離膝。哀哉兩決絕也。復可憐
人里巷盡嗚咽。斷腸分手各風烟。中間消息兩茫然。自
斷此生休問天。看射猛虎終殘年。

右十六拍

江頭宮殿鎖千門。千家今有百家存。面粧首飾雜啼痕。
教我歎恨傷精。竟自有兩兒郎。忽在天一方。胡塵暗天
道路長。安得送我置汝傍。

右十七拍

事殊興極憂思集。足繭荒山轉愁疾。漢家山東二百州。
青是烽烟白人骨。入門依舊四壁空。一斛舊水藏蛟龍。

年過半百不稱意此曲哀怨何時終

右十八拍

上巳

三月三日也

自李庭芝
疑大机
會故憂患
六年

予自丙子上巳日真州屏之城門外于今憂患通六年俯仰時節為之慨然

昔自長淮樹去帆今從燕薊眺東南泥沙一命九分九風雨六年三月三地下故人那可作天涯遊子竟何堪便從餓死傷遲暮面對西山已發慚

寒食

予不登丘隴拜清明寒食八年矣癸酉湖南甲戌乙

亥章貢丙子淮東丁丑梅州戊寅麗江浦庚辰燕山

獄中今辛巳猶未得死和上巳韻寫懷

苦海周遭斷去帆東風吹淚向天南龍蛇澤裏清明五燕雀籠中寒食三撲面風沙驚我在滿襟霜露痛誰堪何當歸骨先人墓千古不為丘首慚

覽鏡見鬚髯消落為之流涕

萬里飄零等一毫滿前風景恨滔滔淚如杜宇喉中血鬚似蘇郎節上旄今日形骸遲一死向來事業竟徒勞青山是我安寬處清夢時時賦大刀

巧思刻骨

讀赤壁賦前後二首

昔年仙子謫黃州。赤壁磯頭汗漫遊。今古典亡真過影。
乾坤俯仰一虛舟。人間憂患何曾少。天上風流更有不。
我亦洞簫吹一曲。不知身世是蟬蛸。

一笑滄波浩浩流。隻雞斗酒更扁舟。八龍寫作詩中案。
孤雀來爲夢裏遊。楊柳遠烟連北府。蘆花新月對南樓。
玉仙來往清風夜。還識江山似舊不。

自歎

門揜牢愁白日過。不應老子坐婆娑。雖生得似無生好。
欲歿其如不歿何。王蠋高風真可挹。魯連大節豈容磨。
東流不盡銅駝恨。四海悠悠總一波。

王炎午讀
此否

端午初度

歿所初何怨。生朝只自知。頗懷常杖意。恐誦蓼莪詩。浮
世百年夢。高人千載期。楚囚一杯水。勝似九霞巵。
向來松下雀。今日傍誰門。夢見瑤池沸。愁看玉壘昏。所
思多歿所。焉用獨生存。可惜菖蒲老。風烟滿故園。

心懷孝思
勃然

端午卽事

五月五日午。贈我一枝艾。故人不可見。新知萬里外。丹
心照夙昔。鬢髮日已改。我欲從靈均。三湘隔遼海。

無刻不思
死

自述二首

憤恨交并
當年嚼血灑銅駝。風氣悠悠奈若何。漢賊已成千古恨。

楚囚不覺二年過。古今咸道天驕子。老去忽如春夢婆。
試把睢陽雙廟看。只今事業愧蹉跎。

江南啼血送殘春。漂泊風沙萬里身。漢末固應多死士。
周餘乃止一遺民。乍看鬚少疑非我。只要心存尚是人。
坐擁牢愁書眼倦。土床伸脚任吾真。

五月十七夜大雨歌

去年五月望。流水滿一房。今年後三夕。大雨復沒床。我
辭江梅來中原。路茫茫。舟楫不復見。車馬馳康莊。矧居
園土中。得水猶得漿。忽如避巨浸。倉卒殊徬徨。明星尚
未啓。大風方發狂。叫呼人不應。宛轉水中央。壁下有水
穴。群鼠走踉蹌。或如魚潑刺。墊溺無所藏。周身莫如物
患至不得防。業爲世間人。何處逃禍殃。朝來闢溝道。宛
如決陂塘。盡室泥濘塗。化爲糜爛場。炎蒸迫其上。臭腐
薰其傍。惡氣所侵薄。疫癘何可當。楚囚欲何之。寢食此
一方。□□□□坐待仆。且僵乾坤莽空闊。何爲此涼
涼。達人識義命。此事關綱常。萬物方焦枯。皇皇禱穹蒼。
上帝實好生。夜半下龍章。但願天下人。家家足稻粱。我
命渾小事。我歎庸何傷。

先太師忌日

二月二十八日

萬里先人忌。呼號痛不天。遺孤餘二紀。曠祀忽三年。永

恨丘園隔遙憐弟妹圓。義方如昨日。地下想興然。

築房子歌

自予居狴犴。一室以自治。二年二大雨。地汙實成池。圉人爲我惻。畚土以築之。築之可二尺。宛然水中坻。初運朽壤來。臭穢恨莫追。掩鼻不可近。牛皂雞于埒。須臾傳黑墳。千杵鳴參差。但見如坻平。糞土不復疑。乃知天下事不在論。磁基苟可掩。耳目臭腐誇。神奇世人所不辨。羊質而虎皮。大者莫不然。小者又何知。深居守我玄。默觀道推移。何時蟬蛻去。忽與濁世違。

有感

已矣勿復道。安之如自然。閑陪黃妳坐。倦退白衣眠。一死知何地。此生休問天。恠哉茨野客。宿果墮幽燕。

天展難謀

正氣歌

予囚北庭。坐一土室。室廣八尺。深可四尋。單扉低小。白間短窄。汗下而幽暗。當此夏日。諸氣萃然。雨潦四集。浮動床几。時則爲水氣。塗泥半朝。蒸漚歷瀾。時則爲土氣。乍晴暴熱。風道四塞。時則爲日氣。簷陰薪爨。助長炎虐。時則爲火氣。倉腐寄頓。陳陳逼人。時則爲米氣。駢肩雜遝。腥臊汗垢。時則爲人氣。或圍溷。或歿屍。或腐鼠。惡氣雜出。時則爲穢氣。疊是數氣。當之者

公懷孔明
詩云至今
出師表讀
之淚沾胸
余于公之
歌亦云然

鮮不爲厲。而予以孱弱俯仰其間。于茲二年矣。是殆
有養致然。然爾亦安知所養何哉。孟子曰。吾善養吾
浩然之氣。彼氣有七。吾氣有一。以一敵七。吾何患焉。
况浩然者。乃天地之正氣也。作正氣歌一首。

天地有正氣。雜然賦流形。下則爲河嶽。上則爲日星。於
人曰浩然。沛乎塞蒼冥。皇路當清夷。含和吐明庭。時窮
節乃見。一一垂丹青。在齊太史簡。在晉董狐筆。在秦張
良椎。在漢蘓武節。爲嚴將軍頭。爲嵇侍中血。爲張睢陽
齒。爲顏常山舌。或爲遼東帽。清操厲冰雪。或爲出師表。
鬼神泣壯烈。或爲渡江楫。慷慨吞胡羯。或爲擊賊笏。逆
豎頭破裂。是氣所磅礴。凜烈萬古存。當其貫日月。生死
安足論。地維賴以立。天柱賴以尊。三綱實係命。道義爲
之根。嗟予遘陽九。隸也實不力。楚囚纓其冠。傳車送窮
北。鼎鑊甘如飴。求之不可得。陰房闐鬼火。春院閤天黑。
牛驥同一皂。雞棲鳳凰食。一朝濛霧露。分作溝中瘠。如
此再寒暑。百沴自辟易。嗟哉沮洳場。爲我安樂國。豈有
他繆巧。陰陽不能賊。顧此耿耿在。仰視浮雲白。悠悠我
心悲。蒼天曷有極。哲人日已遠。典刑在夙昔。風簷展書
讀。古道照顏色。

七月二日大雨歌

燕山五六月。氣候苦不常。積陰綿五旬。畏景淡無光。天
漏比西極。地濕等南方。今何苦常雨。昔何苦常暘。七月
二日夜。天工爲誰忙。浮雲黑如墨。飄風怒如狂。滂沱至
夜半。天地爲低昂。勢如蛟龍出。平陸俄懷襄。初疑倒巫
峽。又似翻瀟湘。千門各已閉。仰視天茫茫。但聞屋側聲。
人力無支當。嗟哉此園土。占勝非高岡。赭衣無容足。南
房并北房。北房水二尺。聚立唯東箱。桎梏猶自可。凜然
覆穹墻。嘈嘈復雜雜。烝汗流成漿。張目以待旦。沈沈漏
何長。南冠者爲誰。獨居沮洳場。此夕水彌滿。浮動八尺
床。壁老如欲壓。守者殊皇皇。我方擗鼻睡。逍遙遊帝鄉。
百年一大夢。所歷皆黃梁。死生已勘破。身世如遺忘。雄
雞叫東白。漸聞語聲揚。論言苦飄揚。形勢猶倉黃。起來
立。泥塗一笑褰衣裳。遺書宛在架。吾道終未亡。

詠懷

陰陽相烹煎。天地一釜瀆。人生居其間。便同肉在砧。熱
猶以火燎。濕猶以湯溽。一歲一煅煉。老形忽駸駸。吾生
四十六。弱質本不任。矧當五六年。患難長侵尋。子卿羝
羊節。少陵杜鵑心。酷罰毒我膚。深憂煩我襟。嗟嗟夏涉
秋。天道何其淫。或時日杲杲。或時雨淋淋。方如坐蒸甑。
又似立烘爇。水火交相禪。益熱與益深。宛轉見戲中日。

夜○空○呻○吟○何○如○真○鼎○鑊○殊○我○一○寸○金○脫○此○寒○暑○殺○誰○能○
復○嘔○嗽○

偶成

昨○朝○門○前○地○寸○裂○今○朝○床○下○泥○尺○深○人○生○世○間○一○蒲○柳○
豈○堪○日○炙○復○雨○淋○起○來○高○歌○離○騷○賦○睡○去○細○和○梁○父○吟○
已○矣○已○矣○尚○何○道○猶○有○天○地○知○吾○心○

移司卽事

自○大○雨○後○兵○馬○司○牆○壁○頽○落○地○皆○沮○洳○囚○不○可○居○七○
月○五○日○移○司○官○籍○監○予○以○詰○朝○行○詩○以○紀○之○

燕○山○積○雨○泥○塞○道○大○屋○欹○傾○小○屋○倒○赭○衣○棘○下○無○顏○色○
倉○卒○移○司○避○流○潦○行○行○桎○梏○如○貫○魚○憐○我○龍○鍾○遲○明○早○
我○來○二○十○有○一○月○若○書○下○下○幾○一○考○夢○回○恍○憶○入○新○衙○
不○知○傳○舍○何○時○了○欲○語○痴○兒○了○家○事○九○牛○一○毛○亦○云○小○
天○門○皇○皇○虎○豹○立○下○土○孤○臣○泣○雲○表○莫○令○赤○子○盡○爲○魚○
早○願○當○空○日○杲○杲○

不睡

頻○搔○白○首○強○憂○煎○細○雨○青○燈○思○欲○顛○南○北○東○西○三○萬○里○
古○今○上○下○幾○千○年○只○因○知○事○翻○成○惱○未○到○放○心○那○得○眠○
眼○不○識○了○馬○前○卒○隔○床○鼾○鼻○正○陶○然○

宮籍監

先生之心
至今不放

兵馬司移寓宮籍監予監一室頗瀟灑明窗淨壁樹影橫斜可愛也賦五絕

塵滿南冠歲月深。暫移一室倚旃林。天憐元是青山客。分與窗根兩樹陰。

壁間頗自有龍蛇。元是誰人小住家。不似爲囚似爲客。倚窗望斷暮天涯。

曾過盧溝望塔尖。今朝塔影接虛簷。道人心事真方丈。靜坐日長雲滿簾。

軍衙馬足起黃埃。門掩西風夢正回。自入燕關人世隔。隔牆忽送市聲來。

新來窗壁頗玲瓏。盡把前時臭腐空。好醜元來都是幻。遽廬一付夢魂中。

還司卽事

兵馬司苦於地窄。其東偏有大宅。官買之以廣治所。舊廳事遂爲空閑。七月十一日。囚自宮籍監悉歸獄。舊廳事之西有一室。處予其間。其地高燥而空涼。蕭然獨往。寂無來人。又一境界也。五言八句二首。

幙燕方如寄。屠羊忽復旋。霜枝空獨立。雪窖已三遷。漂泊知何所。逍遙付自然。庭空誰共語。拄頰望青天。

秋聲滿南國。一葉此飄蓬。牆外千門迥。庭皋四壁空。誰

無一字不悟道

家驢吼月隔巷犬嗅風燈暗人無寐沉沉夜正中

夜起三絕

惆悵高歌入睡鄉。夢中鳧鳧尚飛揚。起來露立頻搔首。夜靜無風自在涼。

三年獨立已成僧。欲與何人說葛藤。夜夜隔牆囚叫佛。三生因果伴孤燈。

還獄

予自宮籍監還兵馬司。止予舊廳事西偏之室。獄尸既葺。以八月七日復返故處。向之所謂臭腐濕蒸。依然故在。回視吾所挾。亦浩然而獨存。作古風一首。

人情感故物。百年多離憂。桑下住三宿。應者猶遲留。矧茲方丈室。屏居二春秋。夜眠與晝坐。墮乎安楚囚。自罹大雨水。園土俱盪舟。此身委傳舍。遷徙無定謀。去之已旬月。宮室重綢繆。今夕果何夕。復此搔白頭。恍如流浪人。一旦歸舊遊。故家不可復。故國已成丘。對此重回首。汪然涕泗流。人生如空花。隨風任飄浮。哲人貴知命。樂天復何求。

偶賦

蒼蒼已如此。梁父共誰吟。神有忠臣傳。床無壯士金。收心歸寂滅。隨性過光陰。一笑西山晚。門前秋雨深。

先生詩渾是從悟道中來

讀杜詩

平生蹤跡只奔波。偏是文章被折磨。耳想杜鵑心事苦。眼看胡馬淚痕多。千年夔峽有詩在。一夜番江如酒何。黃土一丘隨處是。故鄉歸骨任蹉跎。

感懷二首

交遊兵後似蓬飛。流落天涯鵲繞枝。唐室老臣唯我在。柳州先友託誰碑。泥塗猶幸瞻佳士。甘雨如何遇故知。一死一生情義重。莫嫌收拾老牛屍。

先生已是
荐住

伏龍欲夾太陽飛。獨柱擎天力弗支。北海風沙漫漢節。浯溪烟雨暗唐碑。書空已恨天時去。惜往徒懷國士知。抱膝對人復何語。紛紛坐冢臥為屍。

先兩國初忌

九月初七日

北風吹黃花落木。寒蕭颼。哀哀我茲母。玉化炎海秋。日月水東流。音容隔悠悠。小祥哭下邳。大祥哭幽州。今此復何夕。荏苒三星周。嗟哉不肖孤。宗職曠不修。昔母肉未寒。委身墮寇讐。仰藥早云遂。庶從地下遊。大阿落人手。歿生不自由。南冠坐絕域。大期落淹留。白華下玄髮。碧蘚生緇裘。心口自相語。形影旁無儔。空庭鬼火聞。天黑對牢愁。魚軒在何處。冤鬼今安否。兒女各北歸。墳墓委南陬。寒食雨淒淒。孟飯誰與投。荆棘纏蔓草。狐兔緣

死乎膝下
面陳淚不
能讀

荒丘長夜良寂寞。與我同幽幽。我心亦勞止。我命實不
猶。昨夕夢堂上。樂昔歡。綢繆覺來。尚恍惚。血涕連衾。裊
晨興一瓣香。痛如螫在頭。吾家白雲下。萬里同關憂。遙
憐弟與妹。几筵羅庶羞。既傷母在殯。又念兄在囚。見囚
不足念。母亦爲母謀。三聖去已遠。穹垠莽洪流。緬懷百
世慮。白骨甘填溝。冥冥先大夫。鬱鬱蒼松楸。防山迄合
塋。瞑目復何求。

重陽

萬里飄零兩鬢蓬。故鄉秋色老梧桐。鴈棲新月江湖滿。
燕別斜陽巷陌空。落葉何心定流水。黃花無主更西風。
乾坤遺恨知多少。前日龍山如夢中。

又三絕

世事濛濛醉不知。南山秋意滿東籬。黃花何故無顏色。
應爲元嘉以後詩。

人間萬事轉頭空。皂帽飄蕭一病翁。不學孟嘉狂落鬼。
故將白髮向西風。

老來憂患易淒涼。說到悲秋更斷腸。世事不堪逢九九。
休言今日是重陽。

夜

秋光連夜色。萬里客淒淒。落木空山杳。孤雲故國迷。衾

寒霜正下。燈晚月平。西夢過重。成夢千門。雞亂啼。
雨雪

秋色金臺路。殷殷半馬蹄。因風隨作雪。有雨便成泥。過
眼驚新燕。傷心憶舊題。江雲愁萬疊。遺恨鷓鴣啼。

偶成二首

燈影沉沉夜氣清。朔風吹夢度江城。覺來知打明鐘未。
忽聽隣家叫佛聲。

字字是道鳥兔東西不住。天平生奔走亦茫然。向來鞅掌真堪笑。
爛熳如今獨自眠。

得見女消息

故國斜陽草自春。爭元作相總成塵。孔明已負金刀志。
元亮猶憐典午身。骯髒到頭方是漢。娉婷更欲向何人。
癡兒莫問今生計。還種來生未了因。

為或人賦

或人為誰讀者詳之

悠悠成敗百年中。笑看柯山局未終。金馬勝遊成舊雨。
銅駝遺恨付西風。黑頭爾自誇江總。冷齒人能說褚公。
龍首黃扉真一夢。夢回何面見江東。

世事

世事孤鴻外。人生落日西。棋淫詩興薄。書倦夢魂迷。汨
汨。馳還坐悠悠。笑即啼。一真吾自得。開眼總筌蹄。

如此心胸
方能成得
事業非難
不顧也一
種真性自
在

斷鴈

斷鴈西江遠。無家寄萬金。乾坤風月老。沙漠歲年深。白日去如夢。青天知此心。素琴絃已絕。不絕是南音。

小年

燕朔逢窮臘。江南拜小年。歲時生處樂。身世歿為緣。鴉噪千山雪。鴻飛萬里天。出門意寥廓。四顧但茫然。

除夜

乾坤空落落。歲月去堂堂。末路驚風雨。窮邊飽雪霜。命隨年欲盡。身與世俱忘。無復屠蘇夢。挑燈夜未央。

壬午

丙子上巳前二日。予至真州。今俯仰六周星矣。撫時念事。為之流涕。聊寫我心。質諸鬼神。爾

與辛盤
共薦

讀聊寫我

心質諸鬼

神八字為

之悚然乃

知忠貞心

事無刻與

天相離此

公一生事

業在此吾

祖忠惠公

常服膺精

誠貫金石

意氣孚神

明八字先

後一揆故

德業亦自

不異但吾

祖得際明

良耳

憶昔三月朔。歲在火鼠鄉。朝登迎鑾鎮。夜宿清邊堂。於時全颺霧。陽精黯無芒。胡羯犯彤宮。犬戎升御床。慘淡銅駝泣。威垂朱鳥翔。我欲疏河嶽。借助金與湯。吾道率曠野。繞樹空徬徨。慷慨撫鬢背。艱關出羊腸。扶日上天門。隨雲拜東皇。祖逖誓興晉。鄭畋義扶唐。人謀豈云及。天命不于常。泗水沉洛鼎。蘓丘植汶篁。瑤宮可敦后。玉陛單于王。革命曠千古。被髮綿八荒。海流忽西注。天旋我右方。嗟予俘為馘。萬里勞梯航。秋風上甌脫。夜雪臥

桁楊南冠鄭大夫。北塞蘇中郎。龍蛇共窟穴。蟻蝨連衣裳。周旋溲渤間。宛轉沮洳場。漠漠蒼天黑。悠悠白日黃。風埃滿沙漠。歲月稔星霜。地下雙氣烈。獄中孤憤長。唯存葵藿心。不改鐵石腸。斷舌奮常山。抉齒厲睢陽。此志已溝壑。餘命終巖墻。夷吾不可作。此連久云亡。王衍勸石勒。馮道朝德光。末俗正靡靡。橫流已湯湯。餘子不足言。丈夫何可當。出門仰天笑。雲山浩蒼蒼。

生日

端二

憶昔閑居日。端二逢始生。升堂拜親壽。樞衣接賓榮。載酒出郊去。江花相送迎。詩歌和盈軸。鏗戛金石聲。於時

無念思昔
樂一悲

果何時。朝野方休明。人生足自樂。帝力無能名。譬如江海魚。與水俱忘情。詎知君父恩。天地同生成。旄頭忽墮地。氛霧迷三精。黃屋朔風捲。園林殺氣平。四海靡所騁。三年老於行。賓僚半蕩覆。妻子同飄零。無幾哭慈母。有頃遭潰兵。束兵獻穹帳。囚首送空囹。痛甚衣冠烈。甘於鼎鑊烹。死生久已定。寵辱安足驚。不圖坐羅網。四見槐雲青。朱顏日復少。玄髮益以星。往事真蕉鹿。浮名一草螢。牢愁寫玄語。初度感騷經。朝登蓬萊門。暮涉芙蓉城。忽復臨故國。搖搖我心旌。想見家下人。念我涕為傾。交朋說疇昔。惆悵雞豚盟。空花從何來。爲吾舞娉婷。莫道

無人歌時鳥不可聽。達人貴知命。俗士空勞形。吾生復安適。挂頰觀蒼冥。

端午

五月五日午。薰風自南至。試爲問大鈞。舉杯三酹地。田文當日生。屈原當日死。生爲薛城君。死作汨羅鬼。高堂狐兔遊。雍門發悲涕。人命草頭露。榮華風過爾。唯有烈士心。不隨水俱逝。至今荆楚人。江上年年祭。不知生者榮。但知死者貴。勿謂死可憎。勿謂生可喜。萬物皆有盡。不滅唯天理。百年如一日。一日或千歲。秋風汾水辭。春暮蘭亭記。莫作留連悲。高歌舞槐翠。

民到于今稱之

自歎二首

猛思身世事。四十七年無。霍髮俄然在。鸞飛久已殂。一兒化成土。六女掠爲奴。只有南冠在。何妨是丈夫。北轍更寒暑。南冠幾晦冥。家山時入夢。妻子亦關情。是至性之言。非慷慨不顧身家者。悵心如失。崎嶇命復輕。遭時命如此。薄分笑三生。疾病連三次。形容落九分。幾成白宰相。誰識故將軍。暗坐羞紅日。閑眠想白雲。蒼蒼竟何意。未肯喪斯文。

病目二首

近來煩惱障。左目忽茫茫。聶政心雖碎。劉伶醉未忘。問天天不應。食日日何傷。萬想由來假。收拾太乙光。

家山時入夢。妻子亦關情。是至性之言。非慷慨不顧身家者。

向來巖下電。無故眩生花。達磨面向壁。盧仝塌沙燈。
前心欲碎。鏡裏鬢空華。何日看明月。沈沈斗柄斜。

有感

先生心胸
浩然故無
言非入道
語

心在六虛外。不知身網羅。病中長日過。夢裏好時多。夜
夜頻能坐。時時亦自歌。平生此光景。回首笑呵呵。

拾遺

早起

曉日半窗紅。隣雞振翼雄。餘子貪慵睡。佳人理髮蓬。未
忘塵俗慮。那免是非攻。前山渾不見。籠翠霧烟中。

贈許柏溪惟一

長風吹飛藿。清蜩吟野草。流光速代謝。興懷令人老。遊
子中夜起。悠悠酣且歌。明月委清照。江湖秋涉多。豈無
臨淄魚。亦有邯鄲酒。懷古招王孫。登高重回首。

宋文文山先生全集

宋文文山先生全集

宋廬陵

文天祥文山父

著

明武林後學鍾

越異度父評閱

兄

鍾天均小天父

叅閱

鍾天墀雲桓父

弟鍾

超上士父

較

指南別錄

舊本名為吟嘯集越考道體堂序知吟嘯二字乃書肆為之於義無取實指南別錄

耳因正之

生朝

五月朔二日

客中端二日風雨送牢愁昨歲猶潘母今年更楚囚田

園荒吉水。妻子老幽州。莫作長生祝。吾心在首丘。

西瓜吟

拔出金佩刀。斫破蒼玉瓶。千點紅櫻桃。一團黃水晶。下咽頓除烟火氣。入齒便作冰雪聲。長安清富說邵平。爭如漢朝作公卿。

石三峯爲示十字云。昔日乘龍貴。今朝汗馬勞。爲

足六句

雲低昏海日。風急沸洪濤。昔日乘龍貴。今朝汗馬勞。純綺汗塵上。珠玉委蓬蒿。若作淒然賦。吾將僕命騷。

蚤秋

寒魄澹玄河。商飈慄明發。羈人坐環堵。壯士衣穿褐。晉陵誰復新。秦陵尚云秣。夫君百世心。患不在饑渴。

寄惠州弟

公兩子俱死。難以弟壁子爲嗣。是詩蓋囑之耳。

五十年兄弟。一朝生別離。鴈行長已矣。馬足遠何之。葬骨知無地。論心更有誰。親喪君自盡。猶子是吾兒。

感傷

地維傾渤海。天柱折崑崙。清夜爲揮淚。白雲空斷魂。死生蘇子節。貴賤翟公門。高廟神靈在。乾坤付不言。

自歎

海濶南風慢。天昏北斗斜。孤臣傷失國。遊子歎無家。官

飯身如寄。征衣鬢欲華。越王臺上望。家國在天涯。

虎頭山

蚤不逃秦帝。終然陷楚囚。故園春草夢。舊國夕陽愁。妾婦生何益。男兒死未休。虎頭山下路。揮淚憶虔州。

高沙道中

此先生直州道上作也悲悽斷人腸肺

道逢死人骨。委積萬有千。冤魄侵蠅蚋。膏脂飽烏鳶。使我先朝露。其事亦復然。丈夫竟如此。吁嗟彼蒼天。古人擇所趨。肯蹈不測淵。柰何以遺體。糞土同棄捐。初學蘇子卿。終慕魯仲連。求仁而得仁。寧死溝壑填。自古皆有死死。不污腥羶。秦客載張祿。吳人納伍員。季布疑在魯。樊期托於燕。國士急人病。倘儻何拘攣。伊人莫知我。此恨付重泉。

戰場
恨付重泉

三年海嶠擁貔貅。一日蹉跎白盡頭。垓下雌雄羞故老。長安咫尺泣孤囚。魚龍沸海地為泣。烟雨滿山天也愁。萬死小臣無足憾。蕩陰誰共侍中遊。

哭崖山

寶藏如山席六宗。樓船千疊水晶宮。吳兒進退尋常事。漢氏存亡頃刻中。諸老丹心付流水。孤臣血淚洒南風。早來朝市今何處。始悟人間萬法空。

上塚吟

湘人有登科者，初授武岡尉，單車赴官，守名家正擇。

婿尉本有室，隱其可殺可羞實而取焉。官滿隨婦翁入京，自是

捨桑梓，去墳墓，終身不歸。後官至侍從，其糟糠妻居

母家，不復嫁。歲時為夫家上塚，婦禮不廢。友人作古

詩一首曰：上塚吟，其讀之為之感慨，因更廣其意賦

五言一篇

余昔從君時，上堂拜姑嫜。相携上祖塚，歲時持酒漿。姑

嫜相繼沒，馬鬣不在鄉。共君甌孟飯，清涕流襦裳。君貧

初赴官，有家不得將。妾無應書兒，松楸自成行。君別不

復歸，歲月何茫茫。長安擁朱綬，執鴈事侯王。豈無一紙

書，道路阻且長。年年酌寒食，妾心良自傷。君家舊巾櫛

至今襲，且藏諒君霜。露心白首遙相望。

葬無主墓碑

風雨中見道傍一碑，題云葬無主墓之記，乃大定戊

甲所立，雨衣淋漓，字畫漫滅，惜不得下馬讀之。

路逢一石碑，亭亭傲風雨，停驂髮髯看。云是無主墓，未

書戊申歲，屈指九十秋。是時龍渡江，甲子恍一周。借問

葬者誰，承平百世祖。亦有周餘民，戰國委黃土。大祖下

江南，誓不戮一人。神孫再立國，天以報至仁。大河流血

借遺其姓
氏

以忠臣心
寫烈婦口

丹屠毒誰之罪。潼關忽不守。皇皇依汴蔡。螿螂知捕蟬。
不知黃雀來。今古有興廢。重爲生人哀。

邳州哭母小祥

我有母聖善。鸞飛星一周。去年哭海上。今年哭邳州。遙
想仲季間。木主布筵几。我躬已不閱。祀事付支子。使我
早淪落。如此終天何。及今畢親喪。於分亦已多。母嘗教
我忠。我不違。母志及泉會。相見鬼神共歡喜。

哭母大祥

九月七日先母夫人大祥之辰。某爲子不孝。南望嗚
咽。爲哀章一首。

前年惠州哭母歛。去年邳州哭母基。今年飄泊在何處。
燕山獄裏菊花時。哀哀黃花如昨日。兩度星周俄箭疾。
人間送死一大事。生兒富貴不得力。祇今誰人守墳墓。
零落瘴鄉一堆土。大兒狼狽勿復道。下有二兒并二女。
一兒一女亦在燕。佛廬設供捐金錢。一兒一女家下祭。
病脫麻衣日晏眠。夜來我夢歸故國。忽然海上見顏色。
一聲鷄叫淚滿床。化爲清血衣裳濕。當年髮緯意謂何。
親曾撫我夜枕戈。古來全忠不全孝。世事至此甘滂沱。
夫人開國分齊魏。生榮死哀送天地。悠悠國破與家亡。
平生無憾惟此事。二郎已作門戶謀。江南葬母麥滿舟。

真忠臣真
孝子真賢
母

不知何日歸兄骨。孤死猶應正首丘。

哭妻文

烈女不嫁二夫。忠臣不事二主。天上地下。惟我與汝。嗚呼哀哉。

慷慨用壯
一字一擊
節

先太師忌日

太師忌汗漫二紀。似跳丸。弟妹俱成立。家鄉忍破殘。衣冠晨月暗。墳墓夜風寒。萬里逢先忌。無言把淚彈。

告先太師墓文

維己卯五月朔。越二十有六日。孝子某。自嶺被執。至南安軍。謹具香幣。遣人馳告於先太師董齋先生墓下。嗚呼。人誰不為臣。而我欲盡忠。不得為忠人。誰不為子。而我欲盡孝。不得為孝天乎。使我至此極耶。始我起兵。赴難勤王。仲弟將家。遁於南荒。宗廟不守。遷我異疆。大臣之誼。國亡家亡。靈武師興。解后歸國。再相出督。身荷憂責。江南之役。義聲四克。為親拜墓。以剪荆棘。大勳垂集。一跌崎嶇。妻妾子女。六人為俘。收拾散亡。息於海隅。庶幾奮厲。以為後盾。惡運推遷。天所廢棄。有母之喪。尋失嫡子。哭泣未乾。兵臨其壘。倉皇之間。二女天逝。剪為囚虜。形影獨存。仰藥不濟。竟北其轅。繫頸繫足。過我里門。望墓相從。恨不九原。爰指松楸。有言若誓。繼令支子。實

為臣盡忠
為子死孝
何有於我
哉

痛飲讀離騷與痛飲讀斯文何異

典祀事有姪曰昇昇一作敏我身是嗣興言及此血淚如雨。嗚呼自古危亂之世忠臣義士孝子慈孫其事之不能兩全也久矣我生不辰罹此百凶求仁得仁抑又何怨幽明死生一理也父子祖孫一氣也冥漠有知尚哀鑒之

從容就義是公處死之道

余始至南安軍卽絕粒為告墓文遣人馳歸白之祖禰瞑目長往含笑入地矣乃水盛風駛五日過廬陵又二日至豐城知所遣人竟不得行余至是不食垂八日若無事然私念死廬陵不失為首丘今心事不達委命荒江誰知之者盍少從容以就義乎復飲食如初因記左傳申包胥哭秦庭七日勺飲不入口不聞有他適知餓踣西山非一朝夕之積也余嘗服腦子丁二兩不死絕食八日又不死未知死何日死何所哀哉

公其不死

一 已卯十月一日至燕越五日罹徃狂有感而賦一首

直絃不似曲如鈎自古聖賢多被囚命有死時名不死身無憂處道還憂可憐杜宇空流血惟願嚴顏便斫頭結束長編猶在此竈間婢子見人羞

二

僕憤欲絕

落落南冠自結纓。桁楊臥起影縱橫。坐移白石知何世。夢斷青燈問幾更。國破家亡雙淚暗。天荒地老一身輕。黃梁得失俱成幻。五十年前元未生。

三

心期耿耿浮雲上。身事悠悠落日西。千古興亡何限錯。百年生死本來齊。沙邊莫待哀黃鵠。雪裏何須問牧羝。此處曾埋雙寶劍。虹光夜指楚天低。
范曄在獄中為士題扇云去白日之皎皎即長夜之悠悠

四

視死如歸

非達生死也

寥陽殿上步黃金。一落顛崖地獄深。蘇武窖中偏喜臥。劉琨囚裏不妨吟。生前已見夜叉面。死去只因菩薩心。萬里風沙知己盡。誰人會得廣陵音。

五

亦知曼曼楚囚難。無奈天生一寸丹。鐵馬行鑿南地熱。赭衣坐擁北庭寒。朝飡淡薄神還爽。夜睡崎嶇夢自安。亡國大夫誰為傳。祇饒野史與人看。

不論書與不書先生

六

風雪重門老楚囚。夢回長夜意悠悠。熊魚自古無雙得。鵠雀如何可共謀。萬里山河真墮甌。一家妻子枉填溝。兒時愛讀忠臣傳。不謂身當百六秋。

七

聽着啼鵑淚滿襟。國亡家破見忠臣。關河瀝落三生夢。風雪飄零萬死身。丞相豈能堪獄吏。故侯安得作園人。神農虞夏吾誰適。回首西山繼絕塵。

八

公自入虜
中滿目是
死
風前泣燈影。日下泣霜花。鍾信忽然動。屋陰俄又斜。悶中聊度歲。夢裏尚還家。地獄何須問。人間見夜叉。

九

風霜陰忽忽。天地澹悠悠。我自操吳語。誰來問楚囚。寂中惟滅想。達處盡忠憂。手有韋編在。朝聞夕死休。

十

環堵塵如屋。纍然一故吾。解衣烘稚蝨。勻鑲救殘鬚。坐處心如忘。吟餘眼已枯。不應留滯久。何日裹籩簪。吳殺諸葛瑾以籩簪裹而棄之

十一

浩劫風塵暗。衣冠痛百罹。靜傳方外學。晴寫獄中詩。烈士惟名殉。真人與物違。世間忙會錯。認取去來時。

十二

儼然楚君子。一日造王庭。議論探堅白。精神入汗青。無書求出獄。有舌到臨刑。宋故忠臣墓。真吾五字銘。

志懷浩然
文塞天地

十三

兩月縲囚裏。一年憂患餘。疎因隨事直。忠故有時愚。道在身何拙。心安體自舒。近來都勘破。人世只蘧廬。

十四

衮衣坐縲綬。世事亦堪哀。枕外親炊黍。爐邊細畫灰。無人淚垂血。何地骨生苔。風雪江南路。夢中行探梅。

十五

我自憐人醜。人方笑我愚。身生豫讓癩。背發范增疽。已愧功臣傳。猶堪烈士書。衣冠事至此。命也欲何如。

十六

久矣忘榮辱。今茲一死生。理明心自裕。神定氣還清。欲了男兒事。幾無妻子情。出門天宇濶。一笑暮雲橫。

十七

琪璧衣冠十六傳。更無一士死君前。自慚重趙非九鼎。猶幸延韓更數年。孟博囊頭真自愛。杲卿鈎舌要誰憐。人間信有綱常在。萬古西山皎月懸。

和夷齊西山詩

詩曰登彼西山兮採其薇矣。以暴易暴兮不知其非矣。神農虞夏忽然沒兮我安適歸矣。吁嗟徂兮命之衰矣。後二千餘年某廼倚詩而和之曰。

不動心如
是

可悲可嘆

先生之遭
更苦

小雅盡廢兮。出車采薇矣。戎有中國兮。人類熄矣。明王不興兮。吾誰與歸矣。抱春秋以沒世兮。甚矣吾衰矣。

又從而歌之曰

彼美人兮。西山之薇矣。北方之人兮。為吾是非矣。異域長絕兮。不復歸矣。鳳不至兮。德之衰矣。

十二月二十日作

家國哀千古。星霜忽一周。黃沙漫故道。白骨委荒丘。許遠死何晚。李陵生自羞。南來冠不改。吾且任吾囚。

二十四日

俗云小
年夜

壯心負光岳。病質落幽燕。春節前三日。江鄉正小年。歲時如有水。風俗不同天。家廟荒苔滑。誰人燒紙錢。

立春

巳卯十二月
二十六日

無限斜陽故國愁。朔風吹馬上幽州。天翻地覆三生劫。歲晚江空萬里囚。烈士喪元端不惜。達人知命復何憂。祇應四十三年死。兩度無端見土牛。

遇靈陽子談道贈以詩

昔我愛泉石。長揖離公卿。結屋青山下。咫尺蓬與瀛。至人不可見。世塵忽相纓。業風吹浩劫。蝸角爭浮名。偶逢大呂翁。如有宿世盟。相從語廖廓。俯仰萬念輕。天地不知老。日月交其精。人一陰陽性。本來自長生。指點虛無

四語抉道
與

間引我歸員明一針透頂門道骨由天成我如一逆旅
久欲躡屩行聞師此妙訣遠廬復何情

歲祝犁單闕月赤奮若日焉逢涪灘遇異人指示
以大光明正法於是死生脫然若遺矣作五言八
句

下字禪此
正法藏也
莫以辭讀

誰知真患難忽悟大光明日出雲俱靜風消水自平功
名幾滅性忠孝大勞生天下惟豪傑神仙立地成

已卯歲除

歲除破衣裳夜半刺針線遊子長夜思佳人不可見草
枯稚驢吼燈暗饑鼠現深室閉星斗輕裘臥風霰大化

只是一心
要求死不
得

忽流幹浩劫蕩回轉冠履失其位侯王化畸賤弓戈叱
奇字刀鋸摧頽弁至性詎可遷微軀不足戀真人坐冲
漠死生一乘傳日月行萬古神光索九縣

右自巳卯十月一日至歲除所賦當時望旦夕死
不自意蹉跎至今詩凡二十餘首明日為商橫執
除歲不知又當賦若干首而後絕筆云巳卯除日
姓某題

元日 庚辰
歲

鐵馬風塵暗金龍日月新衣冠懷故國鼓角泣離人自
分流年晚不妨吾道春方來有千載兒女枉悲辛

金龍庚辰
金辰為龍
也

庚辰四十五歲

東風昨夜忽相過。天地無情奈老何。千載方來那有盡。百年未半已爲多。君傳南海長生藥。我愛西山餓死哥。泡影生來隨自在。悠悠不管世間魔。

感興

萬里雲山斷客魂。浮雲心事向誰言。月侵鄉夢夜推枕。風送牢愁晝掩門。蘇子窖中閑日月。石郎家裏舊乾坤。朝聞夕死吾何恨。坐把春秋子細論。

正月十三日

去年今日遁崖山。望見龍舟咫尺間。海上樓臺俄已變。河陽車駕不須還。可憐羝乳烟橫塞。空想鵲啼月掩關。人世流光忽如此。東風吹雪鬢毛斑。

上元懷舊

禁門三五金吾夜。回首青春忽二毛。池上昔陪王母宴。斗中今直貴人牢。風生江海龍游遠。月滿關山鶴唳高。夢到鈞天燈火闌。依然彩筆照宮袍。

讀史

自古英雄士。還爲薄命人。孔明登四十。韓信過三旬。壯志催龍虎。高詞泣鬼神。一朝事千古。何用怨青春。

感傷

哀哉

家國傷冰泮。妻孥歎陸沉。半生遭萬劫。一落下千尋。各任汝曹命。那知吾輩心。人誰無骨肉。恨與海俱深。

遣興

一落顛崖不自由。春風相對說牢愁。稚驢黑月光中乳。饑鼠青燈影下遊。豈料乾坤成墮甕。始知身世是虛舟。遙憐海上今塵土。前代風流不肯休。

又

東風吹草日高眠。試把平生細問天。燕子愁迷江右月。杜鵑聲破洛陽烟。何從林下尋元亮。只向塵中作魯連。莫笑道人空打坐。英雄收歛便神仙。

四月八日

是日為浴佛日

今朝浴佛舊風流。身落山前第一州。巔上瑤桃俄五稔。海中玉果已三周。人生聚散真成夢。世事悲懽一轉頭。坐對薰風開口笑。滿懷耿耿復何求。

夜起

夢破東窓月半明。此身雖在只堪驚。一春花裏離人淚。萬里燈前故國情。龍去想應回海島。鴈飛猶未出江城。客愁多是西山雨。一任瀟條白髮生。

端午感興

千金鑄鏡百神愁。功與當年禹服侔。荆棘故宮魑魅走。

出愁滿紙

子房赤松遊莫作學

細看

空餘楊子水東流

又

當年忠血墮。讒波千古。荆人祭汨羅。風雨天涯。芳草夢。江山如此。故都何。

又

流棹西來恨未銷。魚龍寂寞暗風潮。楚人猶自貪兒戲。江上年年奪錦標。

見艾有感

過眼驚初夏。回頭憶晚春。已憐花結子。又見艾爲人。故國丹心老。中原白髮新。靈脩那解化。清夢楚江濱。

自歎

綠槐雲影弄黃昏。月照牢愁半掩門。一片心如千片碎。十分鬚有二分存。沙邊黃鵠長回首。江上杜鵑空斷魂。監子溷人漫不省。紅纓白馬意軒軒。

自遣

詩餘眠白日。飲後坐清風。萬事乘除裏。平生寵辱中。心無隨境變。意自與天通。莫笑邯鄲夢。惺惺更是空。

自述

赤鳥登黃道。朱旗上紫垣。有心扶日月。無力報乾坤。往事飛鴻渺。新愁落照昏。千年滄海上。精衛是吾冤。

孤鬼只護君

自道所養

瀟飲詩騷語

不睡

終夕起推枕。五更聞打鐘。精神入朱鳥。形影落盧龍。弭節蓬萊島。揚旗大華峰。奔馳竟何事。回首謝喬松。

七夕

大地風塵惡。長天歲月奔。憂來渾是感。夢破與誰言。緜鶴空回首。河牛暗斷魂。吾今拙又拙。無復問天孫。

有感

石郎草草割山川。一落人手三百年。八州風雨暗連天。三皇五帝如飛烟。人人野祭伊水邊。春秋斷爛不復傳。白頭潦到今魯連。夜深危坐日晏眠。

聞季萬至

去年別我旋出嶺。今年汝來亦至燕。弟兄一囚一乘馬。同父同母不同天。可憐骨肉相聚散。人間不滿五十年。三仁生死各有意。悠悠白日橫蒼烟。

有感

丁丑歲八月十七日。家人陷。今恰三周而予在行。既十閱月矣。有感而賦。

平生心事付悠悠。風雨燕南老楚囚。故舊相思空萬里。妻孥不見滿三秋。絕憐諸葛隆中意。贏得子長天下遊。一死皎然無復恨。忠冤多少暗荒丘。

感懷

已卯八月二十四日，予以楚囚發金陵，十月一日至燕，越五日，罹狴犴，今為庚辰中秋後九日，感懷四字。

去歲趨燕路，今晨發楚津。浪名千里客，剩作一年人。鏡裏秋容別，燈前暮影親。魯連疑未死，聊用托芳塵。

重陽 庚辰

飄零萬里若為家，一夜西風吹鬢華。祇有新詩題甲子，更無故舊對黃花。

又

江南秋色滿梧桐，回首青山萬事空。怕見鏡中新白髮，長將破帽裹西風。

又

風捲車塵美曉寒，天涯流落寸心丹。去年醉與茱萸別，不把今年作健看。

已卯十月一日，予入燕城，歲月冉冉，忽復周星，而予猶未得死也。因賦八句。

去冬陽月朔，吾始至幽燕。浩劫真千載，浮生又一年。天南照天北，山後接山前。夢裏乾坤老，孤臣雪咽氈。

已卯十月五日，予入燕獄，今三十有六旬，感興一

日望死不得

悲愁滿口

首

石晉舊燕趙。鍾儀新楚囚。山河千古痛。風雨一年周。過
雁催人老。寒花送客愁。捲簾雲滿座。抱膝意悠悠。

去年十月九日。余至燕城。今周星不報。爲賦長句。
君不見常山太守罵羯奴。天津橋上舌盡剝。又不見睢
陽將軍怒切齒。三十六人同日死。去冬長至前一日。朔
庭呼我弗爲屈。丈夫開口卽見膽。意謂生死在頃刻。赭
衣冉冉生蒼苔。書雲時節忽復來。鬼影青燈照孤坐。夢
啼死血丹心破。只今便作渭水囚。食粟已是西山羞。悔
不當。年跳東海空有魯連心。獨在

詞氣凜冽
腔血淋漓

冬至

書雲今日事。夢破曉鳴鐘。家禍三生劫。年愁兩度冬。江
山乏小草。霜雪見孤松。春色蒙泉裏。烟蕪幾萬重。

冬晴

北國天寒少。南方地氣來。年光如箭去。世事正輪迴。可
恠新祈雪。相思久別梅。夜闌燈坐暗。獨自撥殘灰。

自歎

可憐大流落。白髮魯連翁。每夜瞻南斗。連年坐北風。三
生遭際處。一死笑談中。贏得千年在。丹心射碧空。
戊寅臘月二十日。空坑敗被執。於今二周年矣。感

懷八句

橫磨十萬坐無謀。回首蹉跎海上州。太傅只圖和藥了。將軍便謂斫頭休。乾坤顛倒真千劫。身世留連復一周。一死到今如送佛。空牕淡月夜悠悠。

所懷

萬里青山兩鬢華。老臣無國又無家。乾坤局促籠中鳥。風雪飄零糞上花。歲晚江空人已逝。天寒日短路何賒。書生不作網常計。聞是東門已種瓜。

除夜

庚辰

門掩千山黑。孤燈伴不眠。故鄉在何處。今夕是窮年。住

世真無係。爲囚已自然。勞勞空歲月。得死似神仙。

又

歲暮難爲客。天涯况是囚。乾坤還許大。歲月忽如流。夢過元無夢。憂多更不憂。屠蘇兒女態。肯作百年謀。

元日

辛巳

金虬啣日出。鐵騎勒春回。天上青門隔。人間白髮催。霜寒欺舊草。山晚放新梅。環堵甘牢落。東風枉却來。

又

慙愧雲臺客。飄零雪滿瓊。不圖朱鳥影。猶見白蛇年。宮殿荒烟隔。門庭宿草連。乾坤自春色。回首一潸然。

切歲于支
起語

初六日即事

車馬燕山開。誰家早管絃。開門忽見雪。擁被不知年。篋
破書猶在。爐殘火復燃。偷桃昨日事。回首哭堯天。

人日

今年為蛇年。此日是人日。江右一龍鍾。山中舊佔畢。獨
坐守太玄。一笑發狂疾。悠悠王正意。衰涕感麟筆。

自歎

功業羞前輩。形骸感故吾。屢判嵇紹血。幾無慶公鬚。落
落惟心在。蒼蒼有意無。江流總遺淚。何止失吞吳。

元夕

燈火喧三市。衣冠宴九宸。金吾不禁夜。公子早行春。夢

斷青山遠。愁侵白髮新。燕山今夕月。清影照孤人。

又

飄零竟如此。元夕幾堪憐。南國張燈火。燕山沸管絃。相
思雲萬里。剩看月三年。笑與東風道。浮生信偶然。

胡舞不可
遊惟有月
堪隣

蛇年人日
巧絕

宋文文山全集卷之十五終




宋文文山全集卷之十五終

思雲萬里陳香月三平笑與東風

願零竟收山云云樂舞舞南風

又





參卷十四